



REPUBLIKA E SHQIPERISË



UNIVERSITETI POLITEKNIK I TIRANËS
REKTORATI
DREJTORIA E KURRIKULAVE

Nr. 2177 Prot.

Tiranë, më 26 / 09 /2023

RREGULLORE

**PËR APLIKIMIN DHE REGJISTRIMIN E KANDIDATËVE, PAS
PËRFUNDIMIT TË RAUNDIT TE DYTË, NË PROGRAMET E STUDIMIT
TË CIKLIT TË PARË DHE PROGRAMET E INTEGRUARA TË STUDIMIT
TË CIKLIT TË DYTË NË UPT**

A. PROCEDURA E APLIKIMIT PAS PËRFUNDIMIT TË RAUNDIT TË DYTË

1. Procedura e aplikimit dhe e regjistrimit të kandidatëve, pas përfundimit të raundit të dytë të regjistrimeve, në programet e studimit të ciklit të parë dhe programet e integruara të studimit të ciklit të dytë në UPT kryhet në përputhje me afatet e përcaktuara në kalendarin e veprimeve, të publikuar në faqen zyrtare të UPT, www.upt.al.
2. Pas përfundimit të raundit të dytë, brenda afatit të përcaktuar në kalendarin e veprimeve, fakultetet shpallin kuotat e paplotësuara për çdo program studimi në mjediset e fakultetit dhe i publikojnë në faqen zyrtare të UPT, www.upt.al.
3. Brenda datës 8 Tetor 2023, me Vendim të Dekanatit të Fakultetit, përcaktohen programet e studimit që nuk do aktivizohen në vitin akademik 2023-2024, për shkak të mos plotësimit të numrit minimal të studentëve të regjistruar për aktivizimin e programit, sipas parashikimit në Rregulloren e Zhvillimit Kurrikular dhe Mësimdhënies. Vendimi shpallet në mjediset e fakultetit dhe në faqen zyrtare të fakultetit. Sekretaritetë mësimore informojnë studentët e regjistruar në këto programe dhe kryejnë çregjistrimin e tyre brenda afatit të përcaktuar në kalendarin e veprimeve. Kandidatët e çregjistruar mund të aplikojnë në një program tjetër studimi të UPT brenda datës 9 Tetor.
4. Kanë të drejtë të aplikojnë në ato programe studimi ku ka kuota të pa plotësuara, kandidatët e çregjistruar sipas pikës 3 të kësaj rregulloreje si dhe kandidatët, që janë pjesë e portalit U-Albania, të cilët rezultojnë të pa regjistruar në një program studimi, pavarësisht aplikimeve



REPUBLIKA E SHQIPERISË



UNIVERSITETI POLITEKNIK I TIRANËS
REKTORATI
DREJTORIA E KURRIKULAVE

në raundet e mëparshme, mbi bazën e notës mesatare sipas vendimit përkatës të Këshillit të Ministrave, mbi kriterin e notës mesatare dhe kriterëve të tjera të përcaktuara nga secili fakultet i UPT.

5. Aplikimi i kandidatëve bëhet pranë sekretarive mësimore të njësive kryesore brenda afateve kohore të përcaktuar në kalendarin e veprimeve. Dokumentacioni për aplikim është si më poshtë vijon:
 - a. formulari i kërkesës për aplikim, i cili gjendet pranë sekretarive mësimore (shtojca 1 e kësaj rregullore);
 - b. kopje e dokumentit të identifikimit;
 - c. kopje e çertifikatës së maturës shtetërore.
6. Në përfundim të procesit të aplikimit, në afatin e përcaktuar në kalendar, sekretaritetë mësimore afishojnë listat e kandidatëve që kanë aplikuar sipas programeve të studimit. Këto lista publikohen në websitin e fakulteteve.

B. PROCESI I PËRLLOGARITJES SË PIKËVE, RENDITJES DHE LAJMËRIMI I KANDIDATËVE

1. Brenda afatit të përcaktuar në kalendarin e veprimeve, njësitë kryesore kryejnë përllogaritjen e pikëve për çdo kandidat, në përputhje me kriteret e pranimit të miratuar me Vendim të Senatit Akademik Nr. 2, datë 14.02.2022 dhe bëhet renditja e tyre në rend zbritës në varësi të pikëve të grumbulluara. Fakultetet shpallin listat e kandidatëve të renditur për çdo program studimi në mjediset e fakultetit dhe në faqen zyrtare të fakultetit. Këto lista përmbajnë vetëm ID e kandidatit dhe pikët e llogaritura, por jo të dhënat personale të tij.
2. Kandidati i renditur ka të drejtë të ankimohet nëse konstaton se pikët nuk i janë llogaritur korektësisht. Procesi i ankimit dhe kthimit të përgjigjes kryhet brenda afateve të përcaktuar në kalendarin e veprimeve.
3. Fakultetet marrin masat për organizimin e procesit të regjistrimit të kandidatëve të renditur, që janë të pranishëm, brenda kuotave të paplotësuar, për programin përkatës të studimit, duke respektuar rradhën sipas rendit zbritës. Sekretaritetë mësimore marrin masat për të lajmëruar të gjithë kandidatët, aplikant në programet e studimit të njësisë kryesore, nëpërmjet telefonit,



REPUBLIKA E SHQIPERISË



UNIVERSITETI POLITEKNIK I TIRANËS
REKTORATI
DREJTORIA E KURRIKULAVE

emailit dhe faqes zyrtare të fakultetit për ditën dhe orën në të cilën do të fillojë procesi i regjistrimit ku të gjithë kandidatët duhet të jenë të pranishëm.

C. PROCESI I REGJISTRIMIT

1. Regjistrimi i kandidatëve fitues kryhet pranë sekretarive mësimore të fakulteteve të UPT-së, brenda afateve të përcaktuara në kalendarin e veprimeve sipas planifikimit të bërë nga fakultetet.
2. Kandidatet fitues duhet të regjistrohen vetëm në një program studimi, me përjashtim të nxënësve dhe studentëve të shkëlqyer. Pas marrjes së dokumentacionit dhe regjistrimit të kandidatit, sekretaria mesimore bën regjistrimin online në portalin U-Albania. Kandidatët dorëzojnë personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:
 - a. kopje e dokumentit të identifikimit;
 - b. kopje të njehsuar me origjinalin (noterizuar) të diplomës së maturës shtetërore/ dëftesës së pjekurisë ose të një diplome studimi të fituar jashtë vendit dhe të njehsuar nga QSHA, së bashku me certifikatën përkatëse të notave.
 - c. deklaratën e paraqitur në shtojcën Nr.1 të Udhëzimit Nr.12, datë 30.06.2023 “Për procedurat e aplikimit dhe të regjistrimit në institucionet e arsimit të lartë”, e cila plotësohet nga kandidati në prani të punonjësit të sekretarisë mësimore të fakultetit dhe nënshkruhet prej tyre.
 - d. formulari i aplikimit sipas shtojcës Nr.2 të Udhëzimit Nr.12, datë 30.06.2023 “Për procedurat e aplikimit dhe të regjistrimit në institucionet e arsimit të lartë”.
3. Sekretaritetë mësimore mbajnë regjister të veçantë për dorëzimin e dokumentacionit, datën dhe orën e dorëzimit, si dhe nënshkrimin e kandidatëve të regjistruar. Pas nënshkrimit në regjister, nga ana e sekretarisë mësimore, në prani të kandidatit kryhet regjistrimi online në Portalin U-Albania. Në fund të procedurës, kandidati dhe punonjësi i sekretarisë mësimore firmosin në dy kopje formularin e printuar nga sistemi, një prej të cilave i jepet kandidatit.



REPUBLIKA E SHQIPERISË



UNIVERSITETI POLITEKNIK I TIRANËS
REKTORATI
DREJTORIA E KURRIKULAVE

4. Procesi i regjistrimit, pavarësisht numrit të aplikimeve, do të mbyllet në momentin që do të plotësohet numri maksimal i kuotave të pranimit për vitin akademik 2023-2024 (miratuar me Vendim të Senatit Akademik Nr. 7, datë 18.04.2023) për secilin program studimi.
7. Ne datën e fundit të afatit të regjistrimit, nëse në ndonjë program studimi ka ende kuota të paplotësuara, sekretaritë mësimore vazhdojnë regjistrimet me ata kandidatë të listës së renditjes, të cilët nuk ishin të pranishëm në fashën kohore të planifikuar për t'u regjistruar si dhe kandidatë të tjerë të pranishëm, të cilët nuk kishin aplikuar paraprakisht në këtë program studimi, por janë pjesë e portalit U-Albania, nuk rezultojnë të regjistruar në një program tjetër studimi, dhe plotësojnë kriterin bazë të notës mesatare sipas vendimit përkatës të Këshillit të Ministrave.
5. Kandidati, i cili ka kryer regjistrimin me dokumentacion dhe ka nënshkruar në regjistër, nuk ka të drejtë të ndryshojë programin e studimit, për atë vit akademik.

D. DISPOZITAT E FUNDIT

1. Kjo Rregullore zbatohet për administrimin e procesit të regjistrimit të kandidatëve në programet e studimit të ciklit të parë dhe programet e integruara të studimit të ciklit të dytë pas përfundimit të raundit të dytë të regjistrimeve, për vitin akademik 2023-2024.
2. Kjo rregullore shoqërohet me kalendarin e veprimeve dhe me formatin e kërkesës për aplikim, të paraqitur në shtojcën 1 të kësaj rregullore.
3. Ngarkohen fakultetet dhe sekretaritë mësimore për zbatimin e kësaj rregullore.

REKTORI

Prof. Dr. Andrea Maliqari





REPUBLIKA E SHQIPERISË



UNIVERSITETI POLITEKNIK I TIRANËS
REKTORATI
DREJTORIA E KURRIKULAVE

SHTOJCA NR.1

Tiranë, më ____/____/2023

KËRKESE

Unë i nënshkruari/a _____ me ID të Maturës Shtetërore
_____ kërkoj të aplikoj për regjistrim në programet e studimit të
Fakultetit _____, me kuotat e
paplotësuara, pas përfundimit të raundit të dytë, si më poshtë vijon:

1. Programi i studimit Bachelor në _____,
2. Programi i Studimit Bachelor në _____,
3. Programi i studimit Bachelor në _____,
4. Programi i Studimit Bachelor në _____,

Emër Mbiemër Firmë

Nr. kontakti: _____

Email: _____

